



359 - сонли

2009 йил 29 декабрь

Тошкент шаҳри

ЎЗБЕКИСТОН RESPUBLIKASI FAVQULODDA VAZIYATLAR VAZIRLIGI  
ҲУЗУРИДАГИ ИЛМИЙ-ТЕХНИК КЕНГАШ ФАОЛИЯТИНИ ТАКОМИЛЛАШТИРИШ  
ҚЎШИМЧА ЧОРА-ТАДБИРЛАРИ ТЎҒРИСИДА

Ўзбекистон Республикасининг “Аҳоли ва ҳудудларни табиий ҳамда техноген хусусиятли фавқулдда вазиятлардан муҳофаза қилиш тўғрисида”ги, “Фуқаро муҳофазаси тўғрисида”ги, “Терроризмга қарши кураш тўғрисида”ги, “Радиациявий хавфсизлик тўғрисида”ги, “Қутқарув хизмати ва қутқарувчи мақоми тўғрисида”ги Қонунлари, Ўзбекистон Республикаси Президентининг 2006 йил 7 августдаги ПҚ 436-сонли “Фан ва технологиялар ривожланишининг мувофиқлаштириш ва бошқаришни такомиллаштириш чора-тадбирлари тўғрисида”ги Қарори, Ўзбекистон Республикаси Вазирлар Маҳкамасининг 1996 йил 11 апрелдаги 143-сонли, “Ўзбекистон Республикаси Фавқулдда вазиятлар вазирлигининг фаолиятини ташкил этиш масалалари тўғрисида”ги, 1997 йил 23 декабрдаги 558-сонли “Ўзбекистон Республикаси Фавқулдда вазиятларда уларнинг олдини олиш ва ҳаракат қилиш давлат тизими тўғрисида”ги, 1998 йил 7 октябрдаги 427-сонли “Ўзбекистон Республикаси аҳолисини фавқулдда вазиятлардан муҳофаза қилишга тайёрлаш тартиби тўғрисида”ги қарорлари талабларини бажариш ҳамда фуқаро муҳофазаси соҳасидаги ҳуқуқий-меъёрий ҳужжатларни такомиллаштириш, ўқув-услубий қўлланмалар, кўргазмалар материаллар ва соҳавий адабиётларни замон талаблари асосида ишлаб чиқиш, уларнинг сифатини назорат қилиш мақсадида,

БУЮРАМАН:

1. “Ўзбекистон Республикаси Фавқулдда вазиятлар вазирлиги ҳузуридаги илмий-техник Кенгаш тўғрисидаги Низом” 1-иловага;  
“Илмий-техник Кенгаш таркиби рўйхати” 2-иловага;  
“Кенгаш йўналишлари бўйича секцияларга кирувчи ташкилотлар рўйхати” 3-иловага мувофиқ тасдиқлансин.

2. Фавкулудда вазиятлар вазирлиги ҳузуридаги илмий-техник Кенгаши раисига:

Кенгаш фаолиятини ташкил этиш ушбу буйруқ ва низомда белгиланган тартибда амалга оширилсин;

вазирлик бош бошқарма, бошқармалар, таркибий тузилмалар ҳамда Қорақалпоғистон Республикаси, вилоятлар ва Тошкент шаҳар Фавкулудда вазиятлар бошқармалари томонидан ишлаб чиқилган лойиҳаларнинг долзарблиги ва сифатига алоҳида эътибор берилсин;

илмий-техник Кенгашнинг йил якунидаги йиғилишида энг сифатли ва долзарб лойиҳаларни тақдим этган вазирлик, идора ҳамда вазирлик таркибий тузилмаларидаги лойиҳа муаллифлари ҳамда Кенгаш ишида фаол қатнашган ходимлар аниқланиб, уларни белгиланган тартибда тақдирлаш учун тақлифлар киритилсин;

Кенгашга тақдим этилган лойиҳаларнинг Фавкулудда вазиятларда уларнинг олдини олиш ва ҳаракат қилиш давлат тизимининг ҳудудий ва функционал қуйи тизимлари ҳамда Фавкулудда вазиятлар вазирлиги тизимига татбиқ этилиши юзасидан назорат олиб борилиши ташкил этилсин.

3. Вазирлик бош бошқарма, бошқармалар, таркибий тузилмалар ва Қорақалпоғистон Республикаси, вилоятлар ва Тошкент шаҳар Фавкулудда вазиятлар бошқармалари бошлиқлари (командирлари)га:

вазирлик ваколати доирасида ҳамда фуқаро муҳофазаси йуналишида олиб борилаётган илмий-тадқиқот ишларини жадаллаштириш бўйича тақлифлар берилиши таъминлансин;

фуқаро муҳофазаси йуналиши бўйича аҳолини ва раҳбарлар таркибини тайёрлаш соҳасида амалга оширилаётган ишлар самарасини ошириш ва такомиллаштириш, юзага келиши мумкин бўлган фавкулудда вазиятларнинг олдини олиш ва уларнинг профилактикасини ташкил этиш бўйича ишлаб чиқилган ўқув-услубий ҳамда кўргазмали ўқув қуроллари, адабиётлар, меъёрий-ҳуқуқий ҳужжатлар лойиҳалари белгиланган тартибда Кенгашга кўриб чиқиш учун тақдим этилсин ва уларга етук мутахассислар томонидан рецензия (тақриз) олинishi қатъий белгилаб қўйилсин;

илмий-техник Кенгаш томонидан тасдиқланган услубий қўлланмалар ва бошқа илмий ишларни амалиётга тадбиқ этиш чора-тадбирларини ишлаб чиқиш ва амалга оширилиши таъминлансин.

4. Вазирлик Аҳоли ва ҳудудларни муҳофаза қилиш бошқармаси, Матбуот хизмати Кенгашнинг ижобий хулосалари олинган ишлар урнатилган тартибда кўриб чиқилиб, "Муҳофаза+" журналида чоп этиб борилиши таъминлансин.

5. Фавкулудда вазиятлар вазирининг 2005 йил 21 сентябрдаги 122-сонли "Ўзбекистон Республикаси Фавкулудда вазиятлар вазирлиги илмий-техник Кенгаши Низомини тасдиқлаш ва фаолиятини янада такомиллаштириш тўғрисида"ги буйруғи ўз кучини йуқотган деб ҳисоблансин.

6. Буйрук Фавкуллда вазиятлар вазирлиги ҳузуридаги илмий-техник Кенгаш аъзолари ва вазирликнинг барча шахсий таркибига етказилсин.

7. Ушбу буйрукнинг бажарилишини назорат қилиш вазирнингбиринчи ўринбосари - Бош штаб бошлиғи зиммасига юклатилсин.

ВАЗИР  
генерал-майор

A handwritten signature in black ink, appearing to be 'K. Akhmedov', written in a cursive style.

К. АХМЕДОВ

ЎЗБЕКИСТОН РЕСПУБЛИКАСИ ФАВҚУЛОДДА ВАЗИЯТЛАР ВАЗИРЛИГИ  
ХУЗУРИДАГИ ИЛМИЙ-ТЕХНИК КЕНГАШ ТЎҒРИСИДАГИ  
НИЗОМ

I. УМУМИЙ ҚОИДАЛАР

1. Ўзбекистон Республикаси Фавқулодда вазиятлар вазирлиги (кейинги ўринларда - вазирлик деб номланади) хузуридаги илмий-техник Кенгаш (кейинги ўринларда - Кенгаш деб номланади) доимий фаолият кўрсатувчи орган ҳисобланиб, Ўзбекистон Республикасининг “Аҳолини ва ҳудудларни табиий ҳамда техноген хусусиятли фавқулодда вазиятлардан муҳофаза қилиш тўғрисида”ги, “Фуқаро муҳофазаси тўғрисида”ги, “Терроризмга қарши кураш тўғрисида”ги, “Радиациявий хавфсизлик тўғрисида”ги, “Қутқарув хизмати ва қутқарувчи мақоми тўғрисида”ги Қонунлари, Ўзбекистон Республикаси Президентининг 2006 йил 7 августдаги ПҚ-436-сонли “Фан ва технологиялар ривожланишининг мувофиқлаштириш ва бошқаришни такомиллаштириш чора-тадбирлари тўғрисида”ги Қарори, Ўзбекистон Республикаси Вазирлар Маҳкамасининг 1996 йил 11 апрелдаги 143-сонли “Ўзбекистон Республикаси Фавқулодда вазиятлар вазирлигининг фаолиятини ташкил этиш масалалари тўғрисида”ги, 1997 йил 23 декабрдаги 558-сонли “Ўзбекистон Республикаси Фавқулодда вазиятларда уларнинг олдини олиш ва ҳаракат қилиш давлат тизими тўғрисида”ги ва 1998 йил 7 октябрдаги 427-сонли “Ўзбекистон Республикаси аҳолисини фавқулодда вазиятлардан муҳофаза қилишга тайёрлаш тартиби тўғрисида”ги қарорларига мувофиқ вазирлик ваколатига кирувчи вазифалардан келиб чиқувчи муҳим, долзарб муаммоларга доир ҳуқуқий-меъерий ҳужжатлар, ўқув-услубий қўлланмалар, соҳавий адабиётлар ва кўргазмалар материалларни кўриб чиқиш, хулосалар бериш ҳамда уларнинг амалиётга татбиқ этилишини назорат қилиш мақсадида ташкил этилади.

1.2. Кенгаш вазирлик, унинг таркибий ва ҳудудий тузилмалари, республиканинг тегишли вазирлик, идора, илмий-тадқиқот институтлари ва бирлашмалари мутахассислари таркибидан ташкил этилади. Кенгаш Низоми ва унинг таркибини тасдиқдаш ҳамда ўзгартиришлар киритиш Фавқулодда вазиятлар вазири буйруғи билан амалга оширилади.

1.3. Долзарб муаммолар бўйича Кенгаш қарорларининг амалиётга татбиқ этилиши вазирлик Хайъатида муҳокама этилади.

## II. КЕНГАШНИНГ ТАРКИБИ ВА ТУЗИЛИШИ

2.1. Кенгашнинг ишчи органи Хайат, секциялар ва котибият хисобланади.

2.2. Кенгаш Раиси, Кенгаш Раиси ўринбосари, секция раҳбарлари, Кенгаш котиби киради.

2.3. Кенгаш фаолиятининг мунтазам ва самарали бўлишини таъминлаш мақсадида унинг таркибида йўналишлар бўйича секциялар тузилиб, Кенгаш йиғилиши баёни билан тасдиқланади. Мазкур секциялар турлари (номи), сони ва унинг таркиби эҳтиёж асосида ўзгариши мумкин. Хар бир секциянинг раҳбари ва унинг таркиби (Кенгаш таркибидан ёки эҳтиёжга қараб белгиланган тартибда бошқа мутахассислар) Кенгаш йиғилишининг баёни билан тасдиқланади. Секция раҳбари бир вақтнинг ўзида Кенгаш Раисининг ўринбосари ва Кенгаш аъзоси бўлиши мумкин.

2.4. Кенгаш доимий аппаратининг шахсий таркиби Ўзбекистон Республикаси Фавқулодда вазиятлар вазири томонидан белгиланади.

## III. КЕНГАШ ИШИНИ ТАШКИЛ ЭТИШ

3.1. Кенгаш ўз фаолиятини Ўзбекистон Республикасининг Қонунлари, Ўзбекистон Республикаси Президентининг фармон, қарор ва фармойишлари, Ўзбекистон Республикаси Вазирлар Маҳкамасининг қарори ва фармойишлари, Фавқулодда вазиятлар вазирининг буйруқлари, вазирлик Хайъат мажлиси қарорлари ва мазкур Низом ҳамда Кенгаш Раиси томонидан тасдиқланадиган режа асосида ташкил этади.

3.2. Кенгаш Раиси белгиланган тартибда Кенгаш иш фаолиятига раҳбарлик қилади ва унга юклатилган вазифаларнинг бажарилишига масъул хисобланади.

Кенгаш раиси бўлмаганда унинг функцияларини ўринбосари вазирлик Аҳоли ва ҳудудларни муҳофаза қилиш бошқармаси бошлиғи бажаради.

3.3. Кенгаш иши коллегиялик тамойиллари асосида хар томонлама муҳокама қилиш, ўзаро фикр алмашиш, соҳага оид масалалар бўйича Ўзбекистон Республикаси ва хорижий давлатлар илм-фанидаги ютуқларни хисобга олган ҳолда, жамоатчилик асосида ҳамкорликда иш олиб боришга жалб этилган илмий ходимлар ва мутахассисларнинг илмий-назарий ва амалий билимлари асосида олиб борилади.

3.4. Кенгаш фаолиятини режа асосида ташкил этиш, йиғилишлар ўтказилишини назорат қилиш ва белгиланган тартибда расмийлаштириш Кенгаш котибининг зиммасига юклатилади.

3.5. Кенгаш қарорлари очиқ овоз бериш йўли билан Кенгаш аъзоларининг камида учдан икки қисмининг овози билан қабул қилинади.

3.6. Кенгаш томонидан кўриб чиқишга қабул қилинган мақсадли ва илмий-техник дастурларни амалиётга татбиқ этиш мақсадида Кенгаш ўз ваколати доирасида вазирлик раҳбариятига белгиланган тартибда таклифлар киритади.

3.7. Кенгаш вазирлик фаолиятига тегишли бўлган илмий-техник ва грант асосида амалга ошириладиган тадбирларни муҳокама этади ва белгиланган тартибда таклифлар тайёрлайди.

3.8. Кенгаш фаолиятида заруриятга кўра, бошқа ташкилотларнинг фан ва техника соҳалари бўйича малакали мутахассислари илмий экспертлар сифатида жалб этилишлари мумкин.

3.9. Кенгаш фаолиятини қайтадан ташкил этиш ёки фаолиятини тугатиш Фавқулодда вазиятлар вазирининг қарори асосида амалга оширилади.

#### IV. КЕНГАШНИНГ АСОСИЙ ВАЗИФАЛАРИ ВА ФУНКЦИЯЛАРИ

4.1. Кенгаш ўз фаолиятида қуйидаги вазифаларни амалга оширади:

Табиий ҳамда техноген хусусиятли фавқулодда вазиятларнинг олдини олиш, уларнинг профилактикасини амалга ошириш, фавқулодда вазиятлар содир бўлганда республика аҳолиси ва ҳудудларини муҳофаза қилиш. Иқтисодиёт объектлари фаолиятининг барқарорлигини оширишга қаратилган мақсадли илмий-техник дастурлар лойиҳаларини ишлаб чиқиш ва кўриб чиқилиши учун белгиланган тартибда вазирлик раҳбариятига таклифлар киритиш;

Аҳолини юзага келиши мумкин бўлган фавқулодда вазиятларда тўғри ҳаракат қилишга ўргатиш мақсадида ишлаб чиқилган ўқув-услубий қўлланмалар, адабиётлар, тавсиялар, меъёрий ҳужжатлар, маърузалар ва кўргазмали материаллар лойиҳаларини белгиланган тартибда кўриб чиқиш, қайта ишлаш ва амалиётга татбиқ этиш учун вазирлик раҳбариятига таклифлар киритиш;

Ўзбекистон Республикаси Фавқулодда вазиятларда уларнинг олдини олиш ва ҳаракат қилиш Давлат тизими фаолиятини такомиллаштиришга қаратилган ҳуқуқий-меъёрий ҳужжатлар лойиҳаларини кўриб чиқиш ва белгиланган тартибда таклифлар киритиш;

илмий-техник Кенгаши томонидан тасдиқланган ишлаб чиқилган ўқув-услубий қўлланмалар, адабиётлар, тавсиялар, меъёрий ҳужжатларнинг амалиётга татбиқ этилишини текшириш ва назоратга олиш.

4.2. Кенгаш ўз зиммасига юклатилган вазифалар доирасида қуйидаги асосий функцияларни бажаради:

аҳоли ва ҳудудларни фавқулодда вазиятлардан муҳофаза қилиш бўйича устувор йўналишлардаги илмий-тадқиқотларни кўриб чиқиб, Ўзбекистон

Республикаси Вазирлар Маҳкамаси ҳузуридаги фан ва технологияларни ривожлантиришни мувофиқлаштириш кўмитасига белгиланган тартибда тавсияларни тайёрлаш ва тақдим этиш;

замонавий техника ва жихозларни ишлаб чиқиш, сотиб олиш, уларни қўллаш бўйича эксперт баҳолаш хулосаларини тайёрлаш;

аниқ мақсадли йўналишдаги илмий изланишлар бўйича бажарилган ҳисоботларни муҳокама қилиш, тугалланган ишлар, шу жумладан, фуқаро муҳофазаси йўналишида бажарилган ишларга хулосалар ҳамда уларни татбиқ этиш бўйича илмий-амалий тавсиялар бериш;

вазирлик фаолиятига боғлиқ муаммоларни эчишда фойдаланиши мумкин бўлган чет эл сафарларининг (илмий сафарлари) ҳисоботларини (илмий-техник ҳисоботлар) кўриб чиқиш ва таклифлар тайёрлаш;

вазирлик ваколати доирасида ўқув-услубий адабиётлар, меъёрий ҳужжатлар, маърузалар, муаммолар бўйича мақолалар материалларини (шу жумладан, Бошқа ташкилотлар томонидан тайёрланган) экспертизадан ўтказиш, улардан фойдаланиш ва нашр этиш мақсадга мувофиқлиги тўғрисида хулосалар тайёрлаш;

кенгаш ўз олдига қўйилган вазифаларни муҳокама этиш мақсадида ҳар чоракнинг 10 куни ичида йиғилиш ўтказиши, зарурият туфайли истисно тариқасида. Бошқа муддатларда ҳам ўтказилиши мумкин.

## V. КЕНГАШ АЪЗОЛАРИНИНГ ҲУҚУҚ ВА МАЖБУРИЯТЛАРИ

5.1. Кенгаш йиғилиши Кенгаш таркибига (Кенгаш раиси, унинг ўринбосари ва Кенгаш аъзолари) йиғилишнинг ўтказиладиган жойи, вақтини кўрсатиб, ёзма равишда олдиндан (йиғилиш кунидан 5 кун аввал) таклиф этилганликлари тўғрисида хабар берилган ҳолда иш вақтида ўтказилади.

5.2. Вазирлик бош бошқарма, бошқармалар, таркибий тузилмалар, Қорақалпоғистон Республикаси, вилоятлар ва Тошкент шаҳар Фавқулодда вазиятлар бошқармалари бошлиқлари (командирлари) ҳамда вазирликлар, идоралар, муассасалар ва ташкилотлар раҳбарлари Кенгаш аъзоларининг фаол ишлашлари учун шароит яратишлари лозим.

5.3. Кенгаш таркиби аъзоси йиғилишда бирор сабаб билан иштирок эта олмаса, бу ҳақида Кенгаш Ҳайъатига олдиндан хабар бериши керак.

5.4. Кенгаш таркиби аъзоси кўрилатган иш тўғрисида ўз фикрларини асослантирилган ҳолда баён этиш ҳуқуқига эга бўлиб, белгиланган тартибда ваколати доирасида ҳар бир ишга ёзма хулоса бериши шарт.

Кенгаш аъзоси кўриб чиқилган масалаларни муҳокама қилиш, Кенгаш иш режасини тузишда қатнашиш, Кенгаш йиғилишини тайёрлаш, ҳужжатлар билан яқиндан танишиш, ўз фикр-мулоҳазаларини киритиш,

Кенгаш ишида ҳал қилувчи овоз бериш ҳуқуқидан тўла фойдаланиш, эътироз ва танбеҳлар бўлганда ўзининг алоҳида фикрини баён этиш, Кенгаш таркибининг ҳар бир аъзоси алоҳида ёки гуруҳ бўлиб Кенгаш ваколати доирасидаги масалалар бўйича лойиҳаларни муҳокамага киритиш ҳуқуқига эга.

#### 5.5. Кенгаш котиби:

Кенгаш йиғилиши ҳужжатлари, иш режаларини тайёрлашни амалга оширади, Кенгаш иш режаси ва қарорларини бажарилишини назорат қилади ҳамда натижалари бўйича Кенгаш раисига маълумот тайёрлайди;

Кенгаш раисининг топшириғига кўра, ўз ваколати доирасида манфаатдор ташкилотлар билан ёзишмаларни амалга оширади;

Кенгаш фаолиятининг самарадорлигини ошириш, иш усули ва услубини такомиллаштириш бўйича тадбирлар ишлаб чиқади;

Кенгашнинг йиллик фаолияти бўйича ҳисобот тайёрлайди.

**Фавқулодда вазиятлар вазирлиги**  
**Аҳоли ва ҳудудларни муҳофаза қилиш бошқармаси**



Илмий техник Кенгаш таркиби  
РЎЙХАТИ

Кенгаш раиси:	Фавқулодда вазиятлар вазирининг биринчи ўринбосари.
Кенгаш раиси ўринбосари:	Фанлар Академияси сейсмология институти директори.  Фавқулодда вазиятлар вазирлиги Аҳолини ва ҳудудларни муҳофаза қилиш бошқармаси бошлиғи.
Кенгаш котиби:	Фавқулодда вазиятлар вазирлиги Аҳолини ва ҳудудларни муҳофаза қилиш бошқармаси бўлим бошлиғи.
Кенгаш аъзолари:	Фавқулодда вазиятлар вазирлиги Кадрлар ва тарбиявий ишлар бошқармаси бошлиғи;  Фавқулодда вазиятлар вазирлиги Фуқаро муҳофазаси институти бошлиғи;  Фавқулодда вазиятлар вазирлиги Фавқулодда вазиятларда бошқарув Маркази бошлиғи;  Фавқулодда вазиятлар вазирлиги Радиацион, кимёвий ва биологик (бактериологик) муҳофаза бошқармаси бошлиғи;  Фавқулодда вазиятлар вазирлиги Авария – қутқарув кучлари бошқармаси бошлиғи;  Фавқулодда вазиятлар вазирлиги Алоқа ва ахборотлаштириш бошқармаси бошлиғи;

Фавқулудда вазиятлар вазирлиги Тошкент шаҳар Фавқулудда вазиятлар бошқармаси бошлиғи;

Фавқулудда вазиятлар вазирлиги Тошкент шаҳар Фавқулудда вазиятлар бошқармаси бошлигининг ўринбосари – штаб бошлиғи-геология-минералогия фанлари номзоди;

Фавқулудда вазиятлар вазирлиги АваҲМҚБ бош мутахассиси – геология-минералогия фанлари номзоди;

Фавқулудда вазиятлар вазирлиги ФМ институти илмий тадқиқот ва нашриёт бўлими бошлиғи – педагогика фанлари номзоди;

Фавқулудда вазиятлар вазирлиги ФМ институти катта ўқитувчиси – техника фанлари номзоди;

Фавқулудда вазиятлар вазирлиги ФМ институти катта ўқитувчиси – кимё фанлари номзоди;

Фавқулудда вазиятлар вазирлиги ФМ институти катта ўқитувчиси – иқтисодиёт фанлари номзоди;

Табиатни муҳофаза қилиш давлат қўмитаси, аналитик назоратга ихтисослашган давлат инспекцияси бошлиғи ўринбосари;

Геология ва минерал ресурслар Давлат қўмитаси, хавфли геологик жараёнларни кузатиш хизмати бошлиғи;

“Узкимёсаноат” ДАК, техник сиёсати бошвармаси бошлиғи ўринбосари;

“Узавтойўл” ДАК Автомобил йўллари илмий текшириш институти директори ўринбосари;

“Ўзбекенерго” ДАК “Ўзелектртармоқ” УТ  
бўлими бошлиғи;

Ўзбекистон Республикаси Вазирлар  
Маҳкамаси ҳузуридаги Гидрометеорология  
хизмати маркази (Ўзгидромет), сув кадастр  
ва метеорологик ўлчов бошқармаси бошлиғи  
ўринбосари.

Кенгаш йўналишлари бўйича секцияларга кирувчи ташкилотлар  
 РЎЙХАТИ

Ташкилотлар номи	Лавозими
1	2
Фавқулодда вазиятлар вазирлиги Фуқаро муҳофазаси институти	Фавқулодда вазиятлар вазирлиги Фуқаро муҳофазаси институт бошлигининг ўқув-услубий ишлари бўйича ўринбосари
Фанлар академияси сейсмология институти	Сейсмология институти директорининг илмий ишлар бўйича ўринбосари
"Саноатконтехиазорат" Давлат инспекцияси	Кимё, металлургия ва нефт-газни қайта ишлаш саноатини назорат қилиш инспекцияси давлат нозири
Қишлоқ ва сув хўжалиги вазирлиги	"Ўзсувтаъмирфойдаланиш" Республика бирлашмаси бўлим бошлиғи
Олий ва ўрта махсус таълим вазирлиги	Олий ва ўрта-махсус таълим вазирлигининг бўлим бошлиғи
Халқ таълими вазирлиги	Таълим муассасалари фаолиятини ташкил этиш Бош бошқармаси бош назоратчиси
"Ўзбекнефтгаз" МХК	"Ўзбекнефтгаз" МХК бош мутахассиси
"Ўзкимёсаноат" ДАК	"Ўзкимёсаноат" ДАК, техник сиёсати бошқармаси бошлиғи ўринбосари
ФВВ Фавқулодда вазиятларда бошқарув маркази мониторинг ва башоратлаш хизмати	Фавқулодда вазиятларда бошқарув маркази мониторинг ва башоратлаш хизмати бошлиғи

Изоҳ, 1 .Ўзбекистон Республикаси Фавқулодда вазиятлар вазирлиги хузуридаги илмий-техник Кенгаш тўғрисидаги Низом"нинг 2.3-бандига асосан “..... секциялар турлари (номи), сони ва унинг таркиби эҳтиёж асосида ўзгариши мумкин. Ҳар бир секциянинг раҳбари ва унинг таркиби (Кенгаш таркибидаги ёки эҳтиёжга қараб белгиланган тартибда бошқа мутахассислар) Кенгаш йиғилишининг” баёни билан тасдиқланади. Секция раҳбари бир вақтнинг ўзида Кенгаш Раисининг ўринбосари ва Кенгаш аъзоси бўлиши мумкин” .....

2. Ўзбекистон Республикаси Фавқулодда вазиятлар вазирлиги тизимидан илмий-техник Кенгаш таркибига ва йўналишлар бўйича секциялар таркибидаги ходимларнинг хизмат жойлари ўзгартирилганда уларнинг ўрнига шу лавозимдаги ходимлар тўғридан-тўғри киритилади.